

《大智度論》之忍波羅蜜

釋厚觀

(2007年7月，美國佛法度假)

一、忍（羸提）之意義

- 忍之意義：1、堪忍，忍辱→「意志」。
2、忍可，認可→「知解」。

二、「眾生忍」與「法忍」

《大智度論》卷14（大正25，164b2-10）：

羸提，〔秦〕言忍辱。忍辱有二種：生忍、法忍。菩薩行生忍，得無量福德；行法忍，得無量智慧。福德、智慧二事具足故，得如所願；譬如人有目、有足隨意能到。菩薩若遇惡口罵詈，若刀杖所加，思惟知罪福業因緣諸法，內外畢竟空，無我無我所，以三法印印諸法故，力雖能報，不生惡心，不起惡口業；爾時，心數法生，名為忍。得是忍法故，忍智牢固，譬如畫彩，得膠則堅著。

三、如何於恭敬供養我之眾生中修忍？

《大智度論》卷14（大正25，164b19-165b20）：

問曰：云何名生忍？

答曰：有二種眾生來向菩薩：一者、恭敬供養；二者、瞋罵打害。

爾時，菩薩其心能忍，不愛敬養眾生，不瞋加惡眾生，是名生忍。

問曰：云何恭敬、供養，名之為忍？

答曰：有二種結使：一者、屬愛結使；二者、屬恚結使。

恭敬、供養雖不生恚，令心愛著，是名軟賊。是故於此應當自忍，不著不愛。

云何能忍？

〔一〕作無常觀（印順導師《大智度論筆記》〔A035〕，p.65）

觀其無常，是結使生處。如佛所說：「利養瘡深，譬如斷皮至肉，斷肉至骨，斷骨至髓。人著利養，則破持戒皮，斷禪定肉，破智慧骨，失微妙善心髓。」……

〔二〕念三種得供養而自伏心（導師《大智度論筆記》〔A035〕，p.65）

復次，供養有三種：一者、先世因緣福德故；二者、今世功德，修戒、禪定、智慧故，為人敬養；三者、虛妄欺惑，內無實德，外如清白，以誑時人而得供養。於此三種供養中，心自思惟：

1、先世因緣福德供養

若先世因緣勤修福德，今得供養，是為勤身作之而自得耳，何為於此而生貢高？譬如春種秋穫，自以力得，何足自憍？如是思惟已，忍伏其心，不著、不憍。

2、今世功德供養

若今世故功德而得供養，當自思惟：「我以智慧，若知諸法實相，若能斷結，以此功德故，是人供養，於我無事。」如是思惟已，自伏其心，不自憍高；此實愛樂功德，不愛我也。……

行者以修行功德，持戒智慧故而得供養；自念此為功德，非為我也。如是思惟，能自伏心，是名為忍。

3、虛妄欺惑供養

若虛妄欺偽而得供養，是為自害，不可近也。當自思惟：「若我以此虛妄而得供養，與惡賊劫盜得食無異，是為墮欺妄罪。」

4、小結

如是於三種供養人中，心不愛著，亦不自高，是名生忍。

(三) 觀無常、苦、無我相，心常厭 (導師《大智度論筆記》〔A035〕，p.65)

問曰：人未得道，衣食為急，云何方便能得忍，心不著、不愛給施之人？

答曰：以智慧力，觀無常相、苦相、無我相，心常厭患。譬如罪人臨當受戮，雖復美味在前，家室¹勸喻，以憂死故，雖飲食饍膳，不覺滋味；行者亦爾，常觀無常相、苦相，雖得供養，心亦不著。又如麀鹿為虎搏逐，追之不捨，雖得好草、美水飲食，心無染著；行者亦爾，常為無常虎不捨須臾²，思惟厭患，雖得美味，亦不染著。

是故行者於供養人中，心得自忍。

四、如何於瞋惱加害我的眾生中修忍？

《大智度論》卷14（大正25，166b27-168a27）：

云何瞋惱人中而得忍辱？

1、念昔因緣，作償償觀 (導師《大智度論筆記》〔A035〕，p.66)

當自思惟：「一切眾生有罪因緣，更相侵害。我今受惱，亦本行因緣，雖非今世所作，是我先世惡報，我今償之，應當甘受，何可逆也！譬如負債，債主索之，應當歡喜償債，不可瞋也。」

2、常行慈心故³

復次，行者常行慈心，雖有惱亂逼身，必能忍受。譬如羸提仙人⁴。……

3、念彼之苦，不忍再苦

復次，菩薩修行悲心，一切眾生常有眾苦：處胎迫隘，受諸苦痛；生時迫迍⁵，骨肉如

¹ 《大正藏》原作「至」，今依《高麗大藏經》14，519b18 改作「室」。

家室：家庭，家眷。(《漢語大詞典（三）》，p.1469)

² 須臾：片刻，短時間。(《漢語大詞典（十二）》，p.248)

³ 以下標題依印順導師《大智度論筆記》〔A035〕，p.66。

⁴ 參見《大智度論》卷3（大正25，89b），《大智度論》卷26（大正25，252a），《出曜經》卷23（大正4，731a）。

破，冷風觸身，甚於劍戟⁶；是故佛言：「一切苦中，生苦最重。」如是老、病、死苦，種種困厄，云何行人復加其苦？是為瘡中復加刀破！

4、念當逆流，不如世人

復次，菩薩自念：「我不應如諸餘人，常隨生死水流，我當逆流以求盡源，入泥洹道。一切凡人，侵至則瞋，益至則喜，怖處則畏。我為菩薩，不可如彼，雖未斷結，當自抑制；修行忍辱，惱害不瞋，敬養不喜，眾苦艱難，不應怖畏；當為眾生興大悲心！」

5、念能助我行忍

復次，菩薩若見眾生來為惱亂，當自念言：「是為我之親厚，亦是我師，益加親愛，敬心待之。何以故？彼若不加眾惱惱我，則我不成忍辱；以是故言是我親厚，亦是我師。」

6、念無量世互為眷屬

復次，菩薩心知，如佛所說：「眾生無始，世界無際，往來五道，輪轉無量。我亦曾為眾生父母、兄弟，眾生亦皆曾為我父母、兄弟，當來亦爾」。以是推之，不應惡心而懷瞋害。

7、念眾生中多有佛種

復次，思惟眾生之中，佛種甚多，若我瞋意向之，則為瞋佛；若我瞋佛，則為已了！如說鴿鳥當得作佛⁷，今雖是鳥，不可輕也。

8、念瞋過失

復次，諸煩惱中，瞋為最重，不善報中，瞋報最大；餘結無此重罪。……

菩薩思惟：「我今行悲，欲令眾生得樂。瞋為吞滅諸善，毒害一切，我當云何行此重罪？若有瞋恚，自失樂利，云何能令眾生得樂？」

9、念菩薩自悲出，不應瞋也

復次，諸佛菩薩以大悲為本，從悲而出；瞋為滅悲之毒，特不相宜，若壞悲本，何名菩薩？菩薩從何而出？以是之故，應修忍辱。若眾生加諸瞋惱，當念其功德；今此眾生雖有一罪，更自別有諸妙功德，以其功德故，不應瞋。

10、念彼鍊我、淨治我

復次，此人若罵若打，是為治我；譬如金師煉金，垢隨火去，真金獨在。此亦如是，若我有罪，是從先世因緣，今當償之，不應瞋也，當修忍辱！

11、念成就彼樂心

復次，菩薩慈念眾生，猶如赤子。閻浮提人多諸憂愁，少有歡日；若來罵詈⁸，或加讒賊⁹，心得歡樂，此樂難得，恣¹⁰汝罵之！何以故？我本發心，欲令眾生得歡喜故。

⁵ 迫迮（ㄉㄛˊㄛˊ）：1、狹窄，局促。2、指困厄。（《漢語大詞典（十）》，p.762）

⁶ 戟（ㄐㄧˇ）：古代兵器名，合戈、矛為一體。（《漢語大詞典（五）》，p.229）

⁷ 參見《大智度論》卷11（大正25，138c-139a）。

⁸ 詈（ㄌㄧˋ）：罵，責備。（《漢語大詞典（十一）》，p.103）

⁹ 讒賊：1.誹謗中傷，殘害良善。2.指好誹謗中傷殘害良善的人。（《漢語大詞典（十一）》，p.469）

¹⁰ 恣（ㄗㄩˋ）：1.放縱，放肆。2.聽任，任憑。3.滿足，盡情。（《漢語大詞典（七）》，p.505）

1 2、念彼極苦，應加慈愍

復次，世間眾生，常為眾病所惱，又為死賊常隨伺¹¹之，譬如怨家恒伺人便¹²；云何善人而不慈愍復欲加苦？苦未及彼，先自受害。如是思惟，不應瞋彼，當修忍辱。

1 3、念瞋大罪

復次，當觀瞋恚，其咎最深。三毒之中，無重此者；九十八使¹³中，此為最堅；諸心病中，第一難治。瞋恚之人，不知善，不忘失，不惜名稱，不知他惱，亦不自計身心疲惱；瞋覆慧眼，專行惱他。如一五通仙人，以瞋恚故，雖修淨行，殺害一國，如旃陀羅¹⁴。

1 4、念瞋人甚至不信佛

復次，瞋恚之人，譬如虎狼，難可共止；又如惡瘡，易發、易壞。瞋恚之人，譬如毒蛇，人不喜見。積瞋之人，惡心漸大，至不可至，殺父、殺君，惡意向佛。……瞋罪如是，乃至不受佛語。以是之故，應當除瞋，修行忍辱。

1 5、忍辱易得慈悲成佛道故

復次，能修忍辱，慈悲易得；得慈悲者，則至佛道。

1 6、寧為愚人瞋，不為聖賢賤

問曰：忍辱法皆好，而有一事不可：小人輕慢，謂為怖畏；以是之故，不應皆忍。
答曰：若以小人輕慢，謂為怖畏而欲不忍，不忍之罪甚於此也！何以故？不忍之人，賢聖善人之所輕賤；忍辱之人，為小人所慢；二輕之中，寧為無智所慢，不為賢聖所賤。何以故？無智之人，輕所不輕；賢聖之人，賤所可賤。以是之故，當修忍辱。

1 7、修忍常生人天中

復次，忍辱之人，雖不行布施、禪定，而常得微妙功德，生天上、人中，後得佛道。何以故？心柔軟故。

1 8、念不忍常墮惡趣

復次，菩薩思惟若人今世惱我，毀辱、奪利，輕罵、繫縛，且當含忍。若我不忍，當墮地獄，鐵垣¹⁵熱地，受無量苦，燒炙¹⁶燔¹⁷煮，不可具說！以是故，知小人無智，雖輕而貴；不忍用威，雖快而賤；是故菩薩應當忍辱。

¹¹ 伺（ム、）：1.窺伺，窺探，觀察。2.守候，等待。（《漢語大詞典（一）》，p.1283）

¹² 伺便：等待合適的時機。（《漢語大詞典（一）》，p.1284）

¹³ 九十八使：又稱九十八隨眠，見惑有八十八使，修惑有十使。

（1）見惑八十八使，包含：欲界見惑三十二使、色界見惑二十八使、無色界見惑二十八使。

（2）修惑十使，包含：欲界修惑四使（貪、瞋、癡、慢）、色界修惑三使（貪、癡、慢）、無色界修惑三使（貪、癡、慢）。

參見：世友造《品類足論》卷3（大正26，702a8-24），《阿毘達磨俱舍論》卷19（大正29，99b2-c9）。

¹⁴ 《翻梵語》卷3：「旃陀羅，舊譯曰又云旃荼羅，謂瞋，亦云惡，持律者云下賤惡人；聲論者云：外國音，應云旃陀羅，翻為惡人，旃陀羅謂是屠殺惡人。」（大正54，1006b29-c3）

¹⁵ 垣（ム、）：指牆、城牆。（《漢語大詞典（二）》，p.1093）

¹⁶ 炙（ム、）：烤。（《漢語大詞典（七）》，p.38）

¹⁷ 燔（ム、）：1、焚燒。2.烤，炙。（《漢語大詞典（七）》，p.259）

19、念彼為瞋所惱，如醫不咎病人

復次，菩薩思惟：「我初發心，誓為眾生治其心病。今此眾生為瞋恚結使所病，我當治之，云何而復以之自病？應當忍辱！」譬如藥師療治眾病，若鬼狂病，拔刀罵詈，不識好醜，醫知鬼病，但為治之而不瞋恚。菩薩若為眾生瞋惱罵詈，知其為瞋恚者煩惱所病，狂心所使，方便治之，無所嫌責，亦復如是。

20、念彼如小兒無知

復次，菩薩育養一切，愛之如子；若眾生瞋惱菩薩，菩薩愍之，不瞋、不責。譬如慈父撫育子孫，子孫幼稚未有所識，或時罵詈、打擲，不敬、不畏，其父愍其愚小，愛之愈至；雖有過罪，不瞋、不恚。菩薩忍辱，亦復如是。

21、念不忍後生惡報，今更難堪

復次，菩薩思惟：若眾生瞋惱加我，我當忍辱。若我不忍，今世心悔，後入地獄，受苦無量；若在畜生，作毒龍、惡蛇；師子、虎狼；若為餓鬼，火從口出。譬如人被火燒，燒時痛輕，後痛轉重。

22、念不忍不名菩薩

復次，菩薩思惟：「我為菩薩，欲為眾生益利，若我不能忍辱，不名菩薩，名為惡人。」

23、念如非眾生數，當求避之。（初發心誓為一切眾生，云何起瞋）

復次，菩薩思惟：「世有二種：一者、眾生數；二者、非眾生數。我初發心，誓為一切眾生。若有非眾生數：山石、樹木，風寒、冷熱，水、雨侵害，但求[衝-重+素]¹⁸之，初¹⁹不瞋恚。今此眾生是我所為，加惡於我，我當受之，云何而瞋？」

24、知無我可瞋

復次，菩薩知從久遠已來，因緣和合，假名為人，無實人法，誰可瞋者？是中但有骨血、皮肉，譬如累²⁰塹²¹；又如木人，機關動作，有去有來。知其如此，不應有瞋！若我瞋者，是則愚癡，自受罪苦。以是之故，應修忍辱。

25、念當如諸佛學

復次，菩薩思惟：「過去無量恒河沙等諸佛，本行菩薩道時，皆先行生忍，然後修佛法忍。我今求學佛道，當如諸佛法；不應起瞋恚，如魔界法。」以是故，應當忍辱。

※如是等種種無量因緣故能忍，是名生忍。

五、菩薩得「入音聲陀羅尼」，不喜不瞋一切眾生

《大智度論》卷5（大正25，96a14-b24）：

復有入音聲陀羅尼，菩薩得此陀羅尼者，聞一切語言音，不喜不瞋。

¹⁸ [衝-重+素]=禦【宋】【元】【明】【宮】，=御【石】。（大正25，168d，n.2）

¹⁹ 初：1、本，本來。2、全，始終。（《漢語大詞典（二）》，p.617）

²⁰ 累（ㄌㄨㄟˋ）：堆集，積聚。（《漢語大詞典（九）》，p.787）

²¹ 塹=塹【宮】。（大正25，168d，n.4）

塹（ㄌㄨㄟˋ）：磚；未燒的磚坯，亦指用泥土或炭屑搗成的圓塊。（《漢語大詞典（二）》，p.1224）

塹（ㄌㄨㄟˋ）：溝壕。（《漢語大詞典（二）》，p.1187）

(一) 能忍諸惡而不瞋

一切眾生如恒河沙等劫，惡言罵詈，心不憎恨。²²

問曰：菩薩諸漏未盡，云何能如恒河沙等劫忍此諸惡？

答曰：

◎我先言：得此陀羅尼力故能爾。

◎復次，是菩薩雖未盡漏，大智利根，能思惟除遣瞋心。作是念：若耳根不到聲邊，惡聲著誰？又如罵聲，聞便直過，若不分別，誰當瞋者？凡人心著吾我，分別是非而生恚恨。

◎復次，若人能知諸²³言隨生隨滅，前後不俱，則無瞋恚。亦知諸法內無有主，誰罵誰瞋？若有人聞殊方²⁴異語，此言為好，彼以為惡，好惡無定，雖罵不瞋。若有人知語聲無定，則無瞋喜。如親愛罵之，雖罵不恨；非親惡言，聞則生恚。如遭風雨，則入舍持蓋；如地有刺，則著鞞²⁵鞋；大寒燃火，熱時求水——如是諸患，但求遮法而不瞋之。罵詈諸惡，亦復如是，但以慈悲息此諸惡，不生瞋心。

◎復次，菩薩知諸法不生不滅，其性皆空。若人瞋恚罵詈，若打若殺，如夢如化，誰瞋誰罵？

(二) 讚歎供養而不喜

復次，若有人如恒河沙等劫眾生讚歎供養衣食、臥具、醫藥、華香、瓔珞，得忍菩薩，其心不動、不喜、不著。

問曰：已知菩薩種種不瞋因緣，未知實讚功德，而亦不喜？

答曰：

◎知種種供養恭敬，是皆無常；今有因緣故，來讚歎供養；後更有異因緣則瞋恚，若打若殺，是故不喜。

◎復次，菩薩作是念：以我有功德智慧故，來讚歎供養，是為讚歎功德，非讚我也，我何以喜？

◎復次，是人自求果報故，於我所作因緣，供養我作功德。譬如人種穀，溉灌修理，地亦不喜。

◎復次，若人供養我，我若喜受者，我福德則薄，他人得福亦少，以是故不喜。

◎復次，菩薩觀一切法如夢如響，誰讚誰喜？我於三界中未得脫，諸漏未盡，未得佛道，云何得讚而喜？若應喜者，唯佛一人。何以故？一切功德都已滿故。

是故菩薩得種種讚歎、供養、供給，心不生喜。

如是等相，名為入音聲陀羅尼。

²² 另參見《大智度論》卷 28 (大正 25, 268a15-23)。

²³ 諸=語【宋】【元】【明】【宮】【聖】【石】。(大正 25, 96d, n.14)

²⁴ 殊方：1、不同的方法、方向或旨趣。2、遠方，異域。(《漢語大詞典(五)》，p.158)

²⁵ 鞞(ㄊㄩㄣˋ)：同「靴」。(《漢語大字典(七)》，p.4345)

六、何謂「法忍」？

(一) 忍敬瞋法 (大正25, 168b8-10) (導師《大智度論筆記》〔A035〕, p.67)

云何名法忍？

忍諸恭敬、供養眾生，及諸瞋惱、姪欲之人，是名生忍。

忍其供養、恭敬法，及瞋惱、姪欲法，是為法忍。

(二) 入不二法門 (大正25, 168b10-20) (導師《大智度論筆記》〔A035〕, p.67)

復次，法忍者，於內六情不著，於外六塵不受，能於此二不作分別。……如是觀諸法，心信不轉，是名法忍。……

(三) 忍非心法、忍內心法 (大正25, 168b20-169c3) (導師《大智度論筆記》〔A035〕, p.67)

復次，一切法有二種：一者、眾生；二者、諸法。菩薩於眾生中忍，如先說。²⁶

今說法中忍，法有二種：心法，非心法。

非心法中有內、有外：外有寒熱、風雨等；內有飢渴、老病死等。如是等種種，名為非心法。

心法中有二種：一者、瞋恚、憂愁、疑等；二者、姪欲、憍慢等。是二名為心法。

菩薩於此二法，能忍不動，是名法忍。

1、忍非心法 (大正25, 168b27-169a6) (導師《大智度論筆記》〔A035〕, p.67)

問曰：於眾生中若瞋惱害命得罪，憐愍得福；寒熱、風雨，無有增損，云何而忍？

答曰：

(1) 自生惱亂害道故 (導師《大智度論筆記》〔A035〕 p.67)

雖無增損而自生惱亂憂苦，害菩薩道，以是故，應當忍。

(2) 能生惡意得罪故 (導師《大智度論筆記》〔A035〕 p.67)

復次，非但殺惱眾生故得罪，為惡心作因緣故有罪。所以者何？雖殺眾生而無記心，是便無罪；慈念眾生，雖無所與而大得福；寒熱、風雨，雖無增損，然以能生惡意故得罪。以是故，應當忍。

(3) 念宿罪因緣得故 (導師《大智度論筆記》〔A035〕 p.67)

復次，菩薩自知宿罪因緣，生此苦處，此我自作，我應自受。如是思惟，是故能忍。

(4) 見不淨，發願是我利故 (導師《大智度論筆記》〔A035〕 p.67)

復次，菩薩思惟國土有二種：有淨，有不淨。菩薩若生不淨國中，受此辛苦、飢寒眾惱，自發淨願：我成佛時，國中無此眾苦；此雖不淨，乃是我利。

(5) 世間八法賢聖所不免故 (導師《大智度論筆記》〔A035〕 p.67)

復次，菩薩思惟：世間八法²⁷，賢聖所不能免，何況於我？以是故，應當忍。

(6) 念人身雖苦然勝天，能修福得道 (導師《大智度論筆記》〔A035〕 p.67)

²⁶ 《大智度論》卷14 (大正25, 164b19-168a27)。

²⁷ 《增壹阿含經》卷39：「世尊告諸比丘：有世八法隨生迴轉，云何為八？一者利，二者衰，三者毀，四者譽，五者稱，六者譏，七者苦，八者樂。」(大正2, 764b14-16)

復次，菩薩思惟：知此人身無牢²⁸無強，為老、病、死所逐；雖復天身清淨，無老、無病，耽著天樂，譬如醉人，不得修行道福，出家離欲。以是故，於此人身自忍修福，利益眾生。

(7) 受身必有苦故（導師《大智度論筆記》〔A035〕p.67）

復次，菩薩思惟：我受此四大、五眾身，應有種種苦分，無有受身而不苦者；富貴、貧賤，出家、在家，愚智、明闇，無得免者。何以故？

富貴之人，常有怖畏，守護財物，譬如肥羊，早就屠机²⁹；如烏銜肉，眾鳥³⁰逐之。

貧賤之人，有飢、寒之苦。

出家之人，今世雖苦，後世受福得道。

在家之人，今世雖樂；後世受苦。

愚人先求今世樂，無常對³¹至，後則受苦。

智人先思惟無常苦；後則受樂得道。

如是等受身之人，無不有苦，是故菩薩應當行忍。

(8) 世間皆苦，我何獨樂（導師《大智度論筆記》〔A035〕p.67）

復次，菩薩思惟：一切世間皆苦，我當云何於中而欲求樂？

(9) 念為法受苦，當得大利（導師《大智度論筆記》〔A035〕p.67）

復次，菩薩思惟：我於無量劫中常受眾苦，無所利益，未曾為法；今日為眾生求佛道，雖受此苦，當得大利。是故外、內諸苦，悉當忍受。

(10) 尚忍泥犁苦，此何足計（導師《大智度論筆記》〔A035〕p.67）

復次，菩薩大心誓願：若阿鼻泥犁苦，我當忍之，何況小苦而不能忍？若小不忍，何能忍大？

※ 如是種種外法中忍，名曰法忍。

2、忍內心法（大正 25，169a6-b2）（導師《大智度論筆記》〔A035〕p.67）

問曰：云何內心法中能忍？

答曰：

(1) 念不忍同凡夫；斷已，無可忍（導師《大智度論筆記》〔A035〕p.67）

菩薩思惟：我雖未得道，諸結未斷，若當不忍，與凡人不異，非為菩薩。

復自思惟：若我得道，斷諸結使，則無法可忍。

(2) 忍諸結使（導師《大智度論筆記》〔A035〕p.67）

復次，飢渴、寒熱，是外魔軍。結使、煩惱，是內魔賊，我當破此二軍以成佛道；若不爾者，佛道不成。如說佛苦行六年，魔王來言：「剎利貴人，汝千分生中正有一分活耳！速起還國，布施修福，可得今世、後世，人中、天上之樂；道不可得，

²⁸ 牢：堅固，牢固，經久。（《漢語大詞典（六）》，p.240）

²⁹ 机（ㄨㄟˇ）：砧板。机上肉：砧板上的肉，比喻任人宰割者。（《漢語大詞典（四）》，p.745）

³⁰ 烏=鳥【宋】【宮】。（大正 25，168d，n.23）

³¹ 對：逢，遇。（《漢語大詞典（二）》，p.1293）

汝唐³²勤苦；汝若不受軟言，守迷不起，我當將大軍眾來擊破汝！」

菩薩言：「我今當破汝大力內軍，何況外軍？」

魔言：「何等是我內軍？」

答曰：「欲是汝初軍，憂愁為第二，飢渴第三軍，渴愛為第四，
睡眠第五軍，怖畏為第六，疑悔第七軍，瞋恚為第八，
利養虛稱³³九，自高蔑人³⁴十。如是等軍眾，厭³⁵沒出家人，
我以禪智力，破汝此諸軍，得成佛道已，度脫一切人。」³⁶

菩薩於此諸軍雖未能破，著忍辱鎧³⁷，捉智慧劍，執禪定楯³⁸，遮諸煩惱箭，是名內忍。

因論生論：忍結不斷六義（大正 25，169b2-c3）（導師《大智度論筆記》〔A035〕p.67,〔C017〕p.215）

復次，菩薩於諸煩惱中，應當修忍，不應斷結。何以故？若斷結者，所失甚多，墮阿羅漢道中，與根敗無異。是故遮而不斷，以修忍辱，不隨結使。

問曰：云何結使未斷而能不隨？

答曰：

1、正思惟故（導師《大智度論筆記》〔C017〕p.215）

正思惟故，雖有煩惱而能不隨。

2、觀空、無常相故（導師《大智度論筆記》〔C017〕p.215）

復次，思惟觀空、無常相故，雖有妙好五欲，不生諸結。譬如國王有一大臣，自覆藏罪，人所不知。王言：「取無脂肥羊來，汝若不得者，當與汝罪。」大臣有智，繫一大羊，以草穀好養；日三以狼而畏怖之，羊雖得養，肥而無脂。牽羊與王，王遣人殺之，肥而無脂。王問：「云何得爾？」答以上事。菩薩亦如是，見無常、苦、空狼，令諸結使脂消，諸功德肉肥。

3、功德無量心柔軟故（導師《大智度論筆記》〔C017〕p.215）

復次，菩薩功德福報無量故，其心柔軟，諸結使薄，易修忍辱。譬如師子王，在林中吼，有人見之，叩頭求哀，則放令去；虎豹小物，不能爾也。何以故？師子王貴獸，有智分別故；虎豹賤蟲，不知分別故。又如壞軍，得值大將則活；值遇

³² 唐：引申為徒然，白白地。（《漢語大詞典（三）》，p.366）

³³ 虛稱：虛假的名聲，空名。（《漢語大詞典（八）》，p.814）

³⁴ 蔑人=僞慢【宋】【元】【明】【宮】。（大正 25，169d，n.4）

³⁵ 厭（一丫）：指被壓死。《禮記·檀弓上》：“死而不弔者三：畏、厭、溺。”孔穎達疏：“厭謂行止危險之下，為崩墜所厭殺也。”（《漢語大詞典（一）》，p.940）

³⁶ 參見《大智度論》卷 5：「《雜法藏經》中，佛說偈語魔王：欲是汝初軍，憂愁軍第二，飢渴軍第三，愛軍為第四，第五眠睡軍，怖畏軍第六，疑為第七軍，含毒軍第八，第九軍利養，著虛妄名聞，第十軍自高。」（大正 25，99b22-29）

³⁷ 鎧：古代作戰時護身的服裝，金屬製成。皮甲亦可稱鎧。（《漢語大詞典（十一）》，p.1370）

³⁸ 楯（ㄉㄨㄣˋ）：盾牌，泛指防衛之物。（《漢語大詞典（四）》，p.1185）

小兵則死。

4、**智慧力故**（導師《大智度論筆記》〔C017〕p.215）

復次，菩薩**智慧力**，**觀瞋恚有種種諸惡，觀忍辱有種種功德**，是故能忍結使

5、**爲眾生故**（導師《大智度論筆記》〔C017〕p.215）

復次，菩薩心有智力，能斷結使，**爲眾生故久住世間**；知結使是賊，是故忍而不隨。菩薩繫此結賊，不令縱逸而行功德；**譬如有賊，以因緣故不殺，堅閉一處而自修事業。**

6、**實知諸法相故，不隨煩惱**（導師《大智度論筆記》〔C017〕p.215）

復次，菩薩**實知諸法相故，不以諸結使爲惡，不以功德爲妙**；是故於結不瞋，功德不愛。以此智力故，能修忍辱。如偈說：

「菩薩斷除諸不善，乃至極微滅無餘；大功德福無有量，所造事業無不辦。菩薩大智慧力故，於諸結使不能惱；是故能知諸法相，生死涅槃一無二。」

※ 如是種種因緣，**雖未得道，於諸煩惱法中能忍，是名法忍。**

（四）破異不著一（大正25，169c3-19）（導師《大智度論筆記》〔A035〕p.67）

復次，菩薩於一切法，知一相無二；一切法可識相，故言一。……

復次，一切法可知相，故言一。……

復次，一切法可緣相，故言一。……

復次，一切法各皆一，一復有一名為二，三一名為三，如是乃至千萬，皆是一而假名為千萬。

復次，一切法中有相，故言一；一相故，名為一。一切物名為法；法相故名為一。**如是等無量一門，破異相，不著一，是名法忍。**

（五）破一不著二，破一不著異（大正25，169c20-170a1）（導師《大智度論筆記》〔A035〕p.67）

復次，菩薩觀一切法為二。何等二？二名內、外相。內、外相故，內非外相，外非內相。

復次，一切法有無相故為二。空、不空，常、非常，我、非我，色、非色，可見、不可見，有對、非有對，有漏、無漏，有為、無為，心法、非心法，心數法、非心數法，心相應法、非心相應法。

如是無量二門，破一不著二，是名為法忍。

復次，菩薩或觀一切法為三，何等為三？下、中、上；善、不善、無記；有、無、非有非無；見諦斷、思惟斷、無斷；學、無學、非學非無學；報、有報、非報非有報。

如是無量三門，破一不著異，是名為法忍。

（六）能信受三法印（大正25，170a1-6）（導師《大智度論筆記》〔A035〕p.67）

復次，菩薩雖未得無漏道，結使未斷，能信無漏聖法，及三種法印：一者、一切有為生法無常等印，二者、一切法無我印，三者、涅槃實法印。得道賢聖人，自得自知；

菩薩雖未得道，能信能受，是名法忍。

(七) 觀十四難無礙，不失中道 (大正25, 170a6-b4) (導師《大智度論筆記》[A035] p.67)

復次，於十四難³⁹不答法中，有常、無常等，觀察無礙，不失中道，是法能忍，是為法忍。……

復次，菩薩欲作一切智人，應推求一切法，知其實相；於十四難中不滯、不礙，知其是心重病，能出、能忍，是名法忍。

(八) 觀無量法門能信受 (大正25, 170b4-5) (導師《大智度論筆記》[A035] p.67)

復次，佛法甚深，清淨微妙，演暢⁴⁰種種無量法門，能一心信受，不疑、不悔，是名法忍。

(九) 甚深微妙法門能受不悔 (大正25, 170b5-13) (導師《大智度論筆記》[A035] p.67)

如佛所言：「諸法雖空，亦不斷，亦不滅；諸法因緣相續生，亦非常；諸法雖無神⁴¹，亦不失罪福。」⁴²一心念頃，身諸法、諸根、諸慧，轉滅不停，不至後念；新新生滅，亦不失無量世中因緣業。諸眾、界、入中皆空無神，而眾生輪轉五道中受生死。

如是等種種甚深微妙法，雖未得佛道，能信能受不疑、不悔，是為法忍。

(十) 求佛道度眾生，了知諸法實相能忍 (170b13-23) (導師《大智度論筆記》[A035] p.67)

復次，阿羅漢、辟支佛，畏惡生死，早求入涅槃；菩薩未得成佛，而欲求一切智，欲憐愍眾生，欲了了分別知諸法實相，是中能忍，是名法忍。……

(十一) 觀十四難等不實，信佛法清淨不悔 (170b23-170c29) (導師《大智度論筆記》[A035] p.68)

1、常、無常、亦常亦無常、非常非無常皆不可得

復次，諸法不應是常，何以故？若常則無罪、無福，無所傷殺，亦無施命，亦無修行利益，亦無縛、無解，世間則是涅槃。如是等因緣故，諸法不應常。

若諸法無常，則是斷滅，亦無罪、無福，亦無增損功德業，因緣果報亦失，如是等因緣故，諸法不應無常。

³⁹ 《大智度論》卷2：「何等十四難？(1)世界及我常，(2)世界及我無常，(3)世界及我亦有常亦無常，(4)世界及我亦非有常亦非無常。(5)世界及我有邊，(6)無邊，(7)亦有邊亦無邊，(8)亦非有邊亦非無邊。(9)死後有神去後世，(10)無神去後世，(11)亦有神去亦無神去，(12)死後亦非有神去亦非無神去後世。(13)是身是神，(14)身異神異。」(大正25, 74c9-16)

⁴⁰ 暢：闡明，闡發。(《漢語大詞典(六)》，p.104)

⁴¹ 《中阿含經》卷54〈阿梨吒經〉：「世尊歎曰：善哉！善哉！所謂因神故有我，無神則無我，是為神；神所有，不可得，不可施設。」(大正1, 765b27-29)

⁴² 佛說之出處待考，相關內容參見《中論》卷3〈觀業品第17〉青目釋：「問曰：若爾者，則無業果報。答曰：雖空亦不斷，雖有亦不常，業果報不失，是名佛所說。此論所說義，離於斷常，何以故？業畢竟空寂滅相，自性離有何法可斷？何法可失？顛倒因緣故往來生死。亦不常，何以故？若法從顛倒起，則是虛妄無實，無實故非常。」(大正30, 22c19-26)

問曰：汝言佛法中常亦不實，無常亦不實，是事不然！何以故？佛法中常亦實，無常亦實。常者，數緣盡⁴³、非數緣盡、虛空，不生、不住、不滅故是常相；無常相者，五眾生、住、滅故無常相。汝何以言：常、無常皆不實？

答曰：聖人有二種語：一者、方便語；二者、直語。方便語者，為人、為因緣故。為人者，為眾生說是常、是無常，如對治悉檀中說⁴⁴。若說無常，欲拔眾生三界著樂；佛思惟以何令眾生得離欲，是故說無常法。……

2、邊、無邊、亦有邊亦無邊、非有邊非無邊等皆不可得

諸法若有邊，若無邊，若有無邊，若非有無邊；若死後有去，若死後無去，若死後有去無去，若死後非有去非無去；是身是神，身異神異，亦如是，皆不實。

3、六十二見等亦皆不實

於六十二見⁴⁵中觀諸法，亦皆不實。

※ 如是一切除却，信佛法清淨不壞相，心不悔、不轉，是名法忍。

(十二) 觀有無見，住中道 (170c29-171c14) (導師《大智度論筆記》[A035] p.68, [A028] p.53)

復次，有、無二邊，觀諸法生時、住時，則為有見相；觀諸法老時、壞時，則為無見相；三界眾生，多著此二見相。是二種法，虛誑不實。……

若不墮此有、無見，得中道實相。云何知實？如過去恒河沙等諸佛菩薩所知所說，未來恒河沙等諸佛菩薩所知所說，現在恒河沙等諸佛菩薩所知所說。

信心大故，不疑、不悔；信力大故，能持、能受；是名法忍。

(十三) 定力故心柔，聞實相，信不疑悔 (171c14-18) (導師《大智度論筆記》[A035] p.68)

復次，禪定力故，心柔軟清淨，聞諸法實相，應心與會，信著深入，無疑、無悔。

所以者何？疑、悔是欲界繫法，麤惡故不入柔軟心中，是名法忍。

(十四) 慧力故能忍 (大正25, 171c18-20) (導師《大智度論筆記》[A035] p.68)

復次，智慧力故，於一切諸法中種種觀，無有一法可得者；是法能忍、能受，不疑、不悔，是名法忍。

(十五) 離無明，知諸法實相空等不著 (大正 25, 171c20-26) (導師《大智度論筆記》[A035] p.68)

復次，菩薩思惟：凡夫人以無明毒故，於一切諸法中作轉相：非常作常想，苦作樂想，無我有我想，空謂有實，非有為有，有為非有；如是等種種法中作轉相。得聖實智慧，破無明毒，知諸法實相，得無常、苦、空、無我智慧，棄捨不著，是法能忍，是名法

⁴³ 《大智度論》卷 98：「如阿毘曇言：一切有為法及虛空、非數緣盡名為有上法；數緣盡是無上法，數緣盡即是涅槃之別名。」(大正 25, 742c28-743a1)

⁴⁴ 《大智度論》卷 1：「有如是人觀無常是對治悉檀，非第一義。何以故？一切諸法自性空故，如說偈言：無常見有常，是名為顛倒，空中無無常，何處見有常。」(大正 25, 60b14-18)

⁴⁵ 六十二種邪見，參見《長阿含經》卷 14 (21 經)《梵動經》(大正 1, 89c21-94a14)。

忍。

(十六) 觀諸法從本來空 (大正 25, 171c26-172a4) (導師《大智度論筆記》[A035] p.68)

復次，觀一切諸法，從本已來常空，今世亦空，是法能信、能受，是為法忍。

問曰：若從本已來常空，今世亦空，是為惡邪，云何言法忍？

答曰：若觀諸法畢竟空，取相心著，是為惡邪見；若觀空不著，不生邪見，是為法忍。如偈說：「諸法性常空，心亦不著空；如是法能忍，是佛道初相。」

※結說法忍 (大正 25, 172a5-7)

如是等種種入智慧門，觀諸法實相，心不退、不悔，不隨諸觀；亦無所憂，能得自利、利他，是名法忍。

七、何謂「羸提波羅蜜」？

(一) 《大品般若經》卷5〈問乘品(摩訶衍品)第18〉(大正8, 250a16-19)：

云何名羸提波羅蜜？須菩提！菩薩摩訶薩以應薩婆若心，自具足忍辱，亦教他行忍辱，以無所得故，是名菩薩摩訶薩羸提波羅蜜。

(參見《大智度論》卷46, 大正25, 393b15-18)

(二) 《大智度論》卷15(大正25, 172a7-15)：

是法忍有三種行清淨：1、不見忍辱法，2、不見己身，不見罵辱人；3、不戲諸法，是時名清淨法忍。以是事故，說菩薩住般若波羅蜜中，能具足羸提波羅蜜，不動、不退故。

云何名不動不退？瞋恚不生，不出惡言，身不加惡，心無所疑。菩薩知般若波羅蜜實相，不見諸法，心無所著故；若人來罵，若加楚毒、殺害，一切能忍。以是事故說住般若波羅蜜中，能具足羸提波羅蜜。

八、無生法忍之菩薩

(一) 具足羸提波羅蜜故，得無生法忍

《大品般若經》卷23〈六喻品77〉(大正8, 390c9-27)：

須菩提！菩薩摩訶薩行般若波羅蜜時，住五陰如夢、如響、如影、如焰、如幻、如化，具足無相羸提波羅蜜。

世尊！云何菩薩摩訶薩具足無相羸提波羅蜜？

須菩提！菩薩摩訶薩住二忍中，能具足羸提波羅蜜。何等二忍？生忍、法忍。從初發意乃至坐道場，於其中間，若一切眾生來罵詈、麤惡語，或以瓦石、刀杖加是菩薩，是菩薩欲具足羸提波羅蜜故，乃至不生一念惡。是菩薩如是思惟：罵我者誰？害我者誰？以惡言加我，以瓦石、刀杖害我者誰？何以故？是菩薩於一切法得無相忍故，云何作是念，是人罵我、害我！若菩薩摩訶薩如是行，能具足羸提波羅蜜，以是羸提波羅蜜具足故，得無生法忍。

須菩提白佛言：世尊！云何為無生法忍？是忍何所斷？何所知？

佛告須菩提：得法忍，乃至不生少許不善法，是故名無生法忍。一切菩薩所斷煩惱盡，是名斷；用智慧知一切法不生，是名知。

（參見：《大智度論》卷 88，大正 25，675c26-676a15）

（二）「柔順忍」與「無生法忍」

1、《大智度論》卷53（大正25，437c15-17）：

無生觀有二種：一者柔順忍觀；二者無生忍觀。前說無生是柔順忍觀，不畢竟淨，漸習柔順觀，得無生忍則畢竟淨。

2、《大智度論》卷86（大正25，662b26-c25）：

菩薩先住柔順忍中，學無生、無滅、亦非無生非無滅，離有見、無見、有無見、非有非無見等，滅諸戲論，得無生忍。

無生忍者，佛〈後品〉⁴⁶中自說：乃至作佛，常不生惡心，是故名無生忍。

論者言：得是忍，觀一切法畢竟空，斷緣心心數不生，是名無生忍。

又復言：能過聲聞、辟支佛智慧，名無生忍。

聲聞、辟支佛智慧，觀色等五眾生滅，心厭、離欲得解脫。

菩薩以大福德、智慧，觀生滅時，心不怖畏如小乘人。

菩薩以慧眼求生滅實定相不可得，如先〈破生品〉⁴⁷中說，但以肉眼麁心，見有無常生滅；凡夫人於諸法中著常見，是所著法還歸無常，眾生得憂悲苦惱。是故佛說：欲離憂苦，莫觀常相！是無常破常顛倒故，不為著無常故說，是故菩薩捨生滅觀，入不生不滅中。

問曰：若入不生不滅，不生不滅即復是常，云何得離常顛倒？

答曰：如無常有二種：一者、破常顛到⁴⁸，不著無常；二者、著無常生戲論。

無生忍亦如是：一者、雖破生滅，不著無生無滅故，不墮常顛倒。二者、著不生滅故，墮常顛倒。真無生者，滅諸觀、語言道斷，觀一切法如涅槃相。從本已來常自無生，非以智慧觀故令無生。得是無生無滅、畢竟清淨，無常觀尚不取，何況生滅！如是等相，名無生法忍。

得是無生忍故，即入菩薩位⁴⁹；入菩薩位已，以一切種智斷煩惱及習，種種因緣

⁴⁶ 參見《摩訶般若波羅蜜經》卷 23〈六喻品第 77〉（大正 8，390c23-27）。

⁴⁷ 參見釋厚觀、郭忠生〈大智度論之本文相互索引〉，《正觀雜誌》第 6 期，p.208：《大智度論》卷 1（大正 25，60b19-c6），卷 15（大正 25，170b29-c17；171a24-b15），卷 17（大正 25，189b4-24），卷 22（大正 25，222b27-c16），卷 31（大正 25，287c6-18），卷 35（大正 25，319a13-18），卷 52（大正 25，433c2-9），卷 53（大正 25，439b1-13）。

⁴⁸ 到=倒【宮】。（大正 25，662d，n.11）

⁴⁹ 菩薩位（bodhisattva-niyāma），玄奘譯為「菩薩正性離生」（《大般若經》第二分，卷450，大

度一切眾生，如好果樹，多所饒益。

(三) 七住地菩薩得無生法忍，欲入涅槃，諸佛勸請，還生本心向佛道。

《大智度論》卷10（大正25，132a19-b4）：

如七住菩薩，觀諸法空無所有，不生不滅。如是觀已，於一切世界中，心不著，欲放捨六波羅蜜入涅槃。譬如人夢中作筏，渡大河水，手足疲勞，生患厭想。在中流中夢覺已，自念言：「何許⁵⁰有河而可渡者？」是時，勤心都放。菩薩亦如是，立七住中，得無生法忍，心行皆止，欲入涅槃。

爾時，十方諸佛皆放光明，照菩薩身，以右手摩其頭，語言：「善男子！勿生此心！汝當念汝本願，欲度眾生。汝雖知空，眾生不解，汝當集諸功德，教化眾生，共入涅槃！汝未得金色身，三十二相，八十種隨形好，無量光明，三十二業。汝今始得一無生法門，莫便大喜！」

是時菩薩聞諸佛教誨，還生本心，行六波羅蜜以度眾生。⁵¹

(四) 得無生法忍菩薩：嚴土熟生。

《大智度論》卷75（大正25，590c11-13）：

菩薩過聲聞、辟支佛地，得無生法忍授記，更無餘事，唯行淨佛世界，成就眾生。

九、修菩薩道之行者於何時斷盡煩惱？於何時斷盡習氣？

《大智度論》卷27（大正25，261c22-27）：

今當如實說：菩薩得無生法忍，煩惱已盡，習氣未除故，因習氣受及法性生身能自在化生；有大慈悲為眾生故，亦為滿本願故還來世間，具足成就餘殘佛法故。十地滿，坐道場，以無礙解脫力故，得一切智、一切種智，斷煩惱習。

※ 無生法忍菩薩：煩惱已盡，習氣未盡。

※ 成佛：煩惱、習氣皆盡。

十、何謂「法性生身」？

(一) 《大智度論》卷74（大正25，580a14-16）：

是菩薩有二種：一者、生死肉身；二者、法性生身。得無生忍法斷諸煩惱，捨是身後得法性生身。

(二) 《大智度論》卷28（大正25，264a29-b10）：

正7，270b12）；菩薩地（bodhisattva-bhūmi）是指菩薩的「階位」。

《大智度論》對「菩薩位」之解說，參見《大智度論》卷27（大正25，262a17-c8）。

⁵⁰ 何許：1、何處。2、如何，怎樣。（《漢語大詞典（一）》，p.1231）

⁵¹ 類似內容參見：1、《大智度論》卷29（大正25，272a），2、《大智度論》卷48（大正25，405c-406a），3、《大智度論》卷50（大正25，418a），4、鳩摩羅什譯《十住經》卷3（大正10，521a）。

問曰：若菩薩漏盡云何復生，云何受生？一切受生皆由愛相續故有。譬如米，雖得良田時澤⁵²，終不能生；諸聖人愛糠⁵³已脫故，雖有有漏業生因緣，不應得生。
答曰：先已說菩薩入法位，住阿鞞跋致地，末後肉身盡得法性生身，雖斷諸煩惱，有煩惱習因緣故，受法性生身，非三界生也。

問曰：阿羅漢煩惱已盡習亦未盡，何以不生？

答曰：阿羅漢無大慈悲，無本誓願度一切眾生。又以實際作證，已離生死故。

⁵² 時澤：猶時雨。（《漢語大詞典（五）》，p.706）

⁵³ 糠（𦉳）：1、稻、麥、穀子等子實上脫下的皮或殼。2、質地空疏而不堅實。（《漢語大詞典（九）》，p.239）